

CATALOGVS
QVORVNDAM
e Societate IESV

QVI
PROFIDEVEL
Pietate sunt interfecti.

Ab Anno 1549. ad annũ 1603.

Omnes qui piè viuere volunt in Chri-
sto, persecutionem patientur.

2. Tim: 3.

Gaudete & exultate, quia merces ve-
stra copiosa est in cælis. Matt: 5.

edi. 2. Cameracensis.

Superiorum Permissu.

CRACOVIAE
EX OFFICINA Nicolaj Lob.

M DC VI.



36. 137. I.

39. 36

CATALOGVS
QVORVNDAME SO-
cietate IESV.

QVI

PRO FIDE, VEL PIE-
tate interfecti sunt.

Ab Añ: 1549. ad annũ 1603.

Anno Domini 1549.

PANTONIVS CRI-
MINALIS è Ducatu Parmen-
ensi, cum ad vada Rema-
naeoris in India Orientali
Christianos Neophyt⁹ à Ba-
dagarũ Christianæ Religionis odio ac-
cenſorum crudelitate vindicaret, & ad
Luſitanorũ naues fugientes de duceret,
ipſe Barbarorum interuentu exclusus
à nauibus, ab iisdem haſtis conſoſſus,
& capite truncatus, mortem excepit in-
genua procumbens: quod ille quadra-
gies ferme quotidie cum iaculatoriis
precibus ſollicitabar. Ribadeneira
lib: 3. Viſe B. P. Ignatiũ Maffeiũ

A 2

Hiſt.

CATALOGVS

Hist. Ind. lib. 14. Turcellinus lib. 4. cap. 4. Vita B. Xaverij.

2 P. NVNNIVS RIBEIRVS Lusitanus, dum in Amboino rem Christianam administrat, Maurorum insidiis frequenter appetitus, veneno denique sublatus est. *Rutilius Benzonius Episcopus Lanretanus lib. 1. de Iubileo cap. 4. Ioannes Lucena lib. 5. cap. 2. Vita B. Xaverij.*

3 ALOYSIVS MENDEZ Lusitanus in Comorinensi promontorio Indos Christi cognitione imbuens, ab impiis post accepta duo vulnera capite cæsus est, in oratione pemoctans in templo. *Masse. in Comm. Ind. Verbo Solor. Bozius de signis Eccl. lib. 7. fig. 27.*

Anno 1554. Mense Novembri.

4 PETRVS CORREA Lusitanus vir nobilis, qui primus omnium Societatem in Brasilia ingressus est, quinto anno initæ Societatis cum Brasiliensium conversioni daret operam, proditus ab

inter-

CATALOGVS

interprete, cui concubinam detraxerat, à Carigis Barbaris sagittis cōfectus est. *Ribad. lib. 4. Vita B. P. Ignatij cap. 14. Mass. lib. 16. Hist. Ind. 5. IOANNES SOSA Lusitanus Correx comes ante eum ab iisdem hostibus confixus, flexis item genibus precibus insistens occubuit. Idem ibidem.*

Anno 1555. 18. Februarij.

6 P. EMMANVEL FERNANDEZ Lusitanus, cum primus è Societate in agro Transtagano Divini verbi semen spargit, publicæq; peccatorum licentiæ euellendæ maximè intentus pellices, amicasq; ab amatoribus, impudicisq; hominibus multas abigit id iniquo animo ferentibus, ab eorum vno, cuius nomen nunquam promere voluit, in itinere vulneribus multis, affectus Eboræ defunctus est. *Franc. Bencius in annuis Collegij Eborensis in Lusitania anno 1589. quò eius corpus ad Collegij templum ex ædè maxima translatum est.*

A 3

7 QVI-

7 QUIDAM Societatis laicus Lusitanus socius P. Henriquez in Orientali India, cum Gentilibus doctrinam Christianam traderet, à Barbaris trucidatus est. *Ant. Quadros in litteris Venetiis Italice editis Rutilius loco sup. citato.*

8 P. ALPHONSVS A CASTRO Lusitanus, cum multum laboris in cōuertendis Barbaris in India Orientali posuisset, atq; vndecim ipso annos sociis in Molucis præfuisset, anno 1558. ineunte, in Maurorum incidit manū: Ab iis detractis vestibus fune constrictus, per quinque dies raptatus est: Deinde viridi trunco, cui collum eius ceu iugo inferuerant, oppressus; demum multis confectus vulneribus in mare deturbatus. Terrio post die mortui corpus in littore inuentum est, multo lumine circumfufum, vulneribus recentibus, puroque sanguine manantibus. Sicarii eorumq; propinqui paucis diebus partim tormentorū globis, partim igne, quem S. Antonij vocant, periere.

Ribad.

*Ribad. de Vita Latinis lib. 2. cap. 1.
Thom. Bozius lib. 5. fig. 11.*

Anno 1561. 15. Martij.

9 P. CONSALVVS SILVEIRA Lusitanus, generis claritate in primis conspicuus, cum Regem Monomotapa Baptismo cum matre, & trecentis proceribus lustrasset, permotum aspectu Deiparæ, (quam secundum quietem quinque noctibus viderat quidem, sed quod Christianus non esset eius sermonem nō intellexerat) ab eodem deinde Rege, inēdacijs Minguamis Mahumerani Antistitis, aliorumq; trium onerato, moti iussus est. Eadem suam edoctus diuinitus, & prædixit amicis, & ad eam ardentissimis se precibus cōparauit. Demum à Barbaris strangulatus, & in Mosēgessem præterfluentem proiectus est, cum eodē die quinquaginta fecisset Christianos. *Mafferus epist. lib. 2. Iacobus Payua Andradius lib. 1. orthod. expl. Surius anno 1540.*

A 4

An-

CATALOGVS

Anno 1564. 18. Octobris.

10 P. PETRVS VENVSIVS Heluetius Collegij Biuonenſis in Sicilia Rector à Clerico, quem tum aliis beneficiis affecerat, tum frequenter aberrantem extra virtutis ſemitam monuerat, occiſus eſt. Cum. n. ab Epifcopi Vicario meritò coniectus eſſet in carcerem, rarus id etiã Rectori ſuaſu factũ eſſe, eum ex agro reuertẽtem domum, præcunq; penſum perſoluẽtem tribus in capite vulneribus conſecit. Inuentus à prætereũtibus moribundus, ſanctum IESV nomen inuocans, nomen percufforis nunquam edere voluit. Paucis ante diebus Sociis dixerat ſe optare Io. Baptiſtam mortis genere imitari. *Rab. de Vita Latinis lib. 3. cap. 12.*

Anno 1566. 24. Septembris.

11 P. PETRVS MARTINEZ Hiſpanus Aragonẽſis ex Diœceſi de Teruel à P. Franciſco Borgia Philippi Regis Catholici rogatu cum aliis duobus ſociis niſſus in Floridam Inſulam, vbi terram ſimul attingit, vt Dei verbum,

euan-

CATALOGVS.

euangeliumq; prædicaret, pro eo quod pridem optarat interit, iſtus caput perſica ab incolis: mox ſemiuiuus in mare proiectus eſt. *Schottus lib. 3. Vita P. Franc. Borgia cap. 6.*

Anno 1568. 3. Februarij.

IN FLORIDA Inſula à Ludouico Cacicha, id eſt viro Principe eius Inſulæ, qui Baptiſmum in Hiſpania ſimulatè ſuſceperat, ſeq; Patribus ducẽ obrulerat, per inſidias circumuenti, obruncatiq; ſunt de Societate octo.

12 P. IOANNES BAPTISTA Segura Hiſpanus cæteris à P. Franciſco Borgia præfeſtus morum probitate ei mire gratioſus.

13 P. LVDOVICVS QVIROS Hiſpanus.

14 GABRIEL COMES Hiſpanus.

15 PETRVS LINARES Hiſpanus.

16 SANCTIVS SAVALLIVS Hiſp.

17 IOANNES BAPTISTA Médez Hiſpanus.

18 CHRISTOPHORVS ROTONDVS Hiſpanus.

CATALOGVS

19 GABRIEL DE SOLIS Hispa.
*Schoth. cap. 6. lib. 3. Vita P. Franc.
Borgia.* Ex eorum interfectoribus tres
cum eorum arculas scrutarentur, atque
inuentam Crucifixi imaginem curiosi-
us intuerentur, exanimis ceciderunt
humo afflicti, & mortui. *Ibidem.*

Anno 1567. Mense Novembri.

20 P. FRANCISCVS LOPEZ
Lusitanus cum in India Orientali è na-
ui puluere tormentario forte inflama-
ta se demississet in mare, à piratis Mauris
captus, & è naso capite Sacerdos agni-
tus, sollicitatus ad fidei defectionem, &
Mahumetis cultum, quòd se potius
quoduis supplicij genus subiturum re-
spondisset, confossus lancea ilijs mar-
tyrium sanguine còsummauit. *Mass.
lib. 4. Epist. Schothus lib. 3. cap. 6.
Vita P. Franc. Borgia.*

21 DVOS Lusitanos Fràncisci Socios ab
22 iisdem Mauris telis transuerberatos
memorat. *Riba. lib. 1. Vita B. P.
Ignatij cap. 19. Mass. lib. 4. Epist.*

Anno

CATALOGVS

Anno 1570. 15. Iulij.

TRIGINTA NOVEM de Soci-
etate in Oceano apud Palmam vnam è
Fortunatis, cum in Brasiliam fidei no-
stræ propagandæ causa proficiscerentur,
à Iacobo Soria Calvinisticæ Hæreseos
Pirata interfecit, ita clamante, *Interfi-
ce; quoniam ad praua dogmata
desseminanda Brasiliam petunt.*

23 P. IGNATIVS AZEBEDVS
Lusitanus Prouincialis Præpositus, &
totius missionis Superior, vt genere,
ita & pietate illustris, dum suos horta-
tur, additq; animos, fisso capite, tribus
lanceis confossus, demum in mare de-
turbatus est, cum Deiparæ imaginem,
frustra eripere nitētibz Hæreticis, ma-
nu teneret, mortales, Angelosq; testa-
tus se pro Romanæ Ecclesiæ defensione
mori.

24 P. BENEDICTVS CASTRIVS
Lusitanus Christi Crucifixi imaginem
complexus, tribus primum glandibus
ictus, deinde ferro punctim calimque
còfossus, demum in mare deturbatus est.

25 E M-

CATALOGVS

25 EMMANVEL ALVARVS Lusitanus, primum in facie vulneratus, deinde tabulato affixus, contractis cruribus ossibus collisis in fluctus præceps datus est.

26 BLASIVS RIBEIRO Lusitanus, cui caput gladiatorum capulis elisum, cerebrumque effusum est.

27 PETRVS FONSECA Lusitanus, cui os pugione confossum, & maxilla soluta est.

28 P. DIDACVS ANDRADA Lusitanus, qui aures dabat contentibus cum pugionibus confosus iaceretur in pelagus. *Fundamus (inquit) pro Christo sanguinem, qui pro nobis fudit suum.*

29 GREGORIUS SCRIBANVS &
30 ALVARVS MENDEZ Lusitani ægri, cum latere possent, seminudilecto exsiliantes vitro oblatis iugulis occubuerunt.

31 SIMON ACOSTA Lusitanus Societatis IESV vitro professus cum pro tali non agnosceretur, iugulatus in
mare

CATALOGVS

mare proiectus est.

QVI sequitur, præter aliquos, plerique omnes adolescentes bini aut terni ordine deinceps producti, talaribus tunicis exuti, adacto bis, terue singulis in viscera pugione, confossi quidam etiam manibus, brachiisque truncati in mare præcipites dani sunt.

32 FRANCISCVS ALVARVS COVILLIVS Lusitanus.

33 DOMINICVS FERDINANDVS Lusitanus.

34 ALPHONSVS VAENA Hispanus.

35 GONZALVS HENRICVS Lusitanus.

36 IOANNES FERDINANDVS Bracarensis Lusitanus.

37 IOANNES FERDINANDVS Olisiponenfis Lusitanus.

38 IOANNES MAYORCA Hispanus.

39 ALEXIS BELGADVS Lusitanus.

40 LYDOVICVS CORREA Lusitanus.

41 EMMANVEL RODERICVS Lusitanus.

42 SIMON LOPEZ Lusitanus.

CATALOGVS

- 43 EMMANVEL FERNANDVS Lusitanus.
 44 PETRVS NVNNIVS Hispanus.
 45 FRANCISCVS MAGALANIVS Lusitanus.
 46 NICOLAVS DINYVS Lusitanus.
 47 GASPAR ALVARVS Lusitanus.
 48 ANTONIVS FERNANDVS Lusitanus.
 49 EMMANVEL PACIECVS Lusit.
 50 PETRVS FONTAVREVS Lusitan^o.
 51 ANDREAS GONSALVVS Lusitan.
 52 DIDACVS PEREZ Lusitanus.
 53 IOANNES BAEZA Hispanus.
 54 MARCVS CALDEIRA Lusitan^o.
 55 ANTONIVS CORREA Lusitanus.
 56 FERDINANDVS SANCHEZ Hispanus.
 57 FRANCISCVS PEREZ GODOI Hispanus.
 58 IOAANNES ZAVREVS Hispanus.
 59 IOANNES SANCTI MARTINI Hispanus.
 60 ANTONIVS SVAREZ Hispanus.
 61 STEPHANVS ZVRARA Hispan^o.
 qui antequam iter ingrederetur prædi-

xit à

CATALOGVS

xit à Deo se certiore factum martyrium se manere. *Mass. in Append. epistol. ep. 1. quæ est Petri Diazj ad Leonem Henricum. Schot. lib. 3. cap. 10. Vita Borgia.*

62 NEQVE prætereundus Adolescens Lusitanus, qui cum his religionis intersectus est: Vulgo SANCTVS IOANNES appellatus: Qui Societatis candidatus vehementer in eam adscribi optabat, ideoque à P. Ignatij Azebedi latere non discedebat. *Schot. ibidem.*

Anno 1571. partim 13. Septēbris. partim 14. Septembris.

DVODECIM Martyres, qui in eodem itinere Brasiliensi à Ioanne Cadouillio Caluiniano pro Christi religione, quam disseminatum ibant in Brasiliam, interempti sunt.

63 P. PETRVS DIAZ Sacerdos Lusitanus Superior horum, cum confitenti aures præberet iugulatus est.

64 P. FRANCISCVS CASTRIVS Lusitanus, quod confitentem Nauar-

B 2

chum

CATALOGVS

chum audiret, certatim ab omnibus, vulneribus punctum casimq; petitus, occubuit.

65 GASPAR GOEZIVS Adolefcens Lusitanus, qui Diazij lateri hærebat, item iugulatus est.

66 MICHAEL ARAGONIVS Hispanus, accepto secundum brachij vulnere in altum deturbatus est.

67 FRANCISCVS PAVLVS Lusitanus cum superiore submersus est.

68 IOANNES ALVARVS &

69 PETRVS FERNANDVS Lusitani post multas iniurias proiecti in altum præcipites illicò merli sunt.

QVINQVE qui sequuntur, pessimè totam noctem habitū, cum in pelagus proiecti essent, vnum in locum congregati, Vale sibi dicentes, ac veniam inter se delictorum petentes, recitato symbolo tandem, præcunte in verba Alphonso, tum alia, tum illam orationem, *Tibi soli peccavi*, iterarunt, donec fluctibus haurirentur.

70 ALPHONSVS FERNANDVS

Lusi-

CATALOGVS

Lusitanus Philosophix in Brasilla professor designatus.

71 ANDREAS Pais Lusitanus.

72 PETRVS Diaz alter Lusitanus.

73 DIDACVS Carualius Lusitanus.

74 FERDINANDVS Aluarus Lusitan. *Mass. App. ep. 2. quæ est Leonis Henrici ad socios Roman. Schor. lib. 3. cap. 11. Sita Borgia.*

Anno 1581.

75 P GREGORIVS Fernandes &

76 P. GOMEZIVS Damaralli⁹ Lusitani apud Maluccum in India Orientali cum in Portu Zaensi confelsiones audirent, à Tais Christianorū hostibus interfecti sunt. *Ioannes Ant. Valtrinus in annuis India Orientalis.*

Anno 1581. 1. Decembris.

77 P. EDMVNDVS Campian⁹ Anglus Presbyter Societatis IESV, postquam complures annos summa cum laude Praga Latinos de rebus diuinis sermones habuisset, missus est in An-

B 3

gliam

gliam ad fidem Catholicam propagandam Anno Domini 1580. Vbi quoad per libertatem licuit, docendo, scribendoq; rem Catholicam mirifice promouit: atque inter alia aureum illum libellum edidit, qui inscribitur, *Rationes decē reddita Academicis, &c.* Verum post annum plus minus à falso quodam fratre proditus, ac triumphiprecie Londinum perductus, in carcere frequentibus, ac diuturnis vexatus est tormentis: ita tamen animo ac fidei zelo erectus, vt cum luxatos conuulsosq; artus commouere non posset, precipuorum nihilominus ad se disputandi causa aduentantium hæreticorum impetum ita fregerit, vt nonnulli viri dignitate præcipui sint inde ad fidem conuerſi. Tandem vrgentibus Caluinistis, primus è Societate IESV Londini, vbi erat natus, præclaram Martyrij palmam adeptus est intestinis extractis. *Cardinalis Alanus in Vita, Concert. Angl. in ipsius Martyrio. Sand. de Schif. lib. 3. Episcopus Tirafon. lib.*

4. hist-

4. hist. cap. 33.

78 P. ALEXANDER Briantus Anglus post sauisſima in carcere non semel tolerata tormenta, tertia vice (qua dolor solet esse grauissimus) emissio Societatem ingrediendi voto nullum eorum sensum habuit. mirabili constantia animi, orisq; suauitate, in ipso iuuentutis flore vnâ cum Campiano eodem die ac loco, eademq; de causa per idem mortis genus martyrij palmâ est adeptus, cum ante mortem admissus in Societatem fuisset Londini in Anglia. *Card. Alanus in Vita. Episcopus Tiraf. lib. 4. hist. Angl.*

Anno 1582. 30. Maij.

79 P. THOMAS Cottamus Anglus cum ex Societatis nouitatu Auiunienſi ob aduersam valetudinem in Angliam anno Domini 1580. mitteretur, & in ipso portu in exploratorum manus incidisset, promissit fore vt se Londini Iudicibus Hæreticis vltro ſisteret: quod cum libere præstiuisset, martyrio ab eis ob religionis Catholicæ defensi-

B 4

onem

10

onem affectus est Londini. *Cardin-
Alanus in Vita. Episcopus Tiraso-
lib. 4. hister. Angl. cap. 23.*

Anno 1583. 15. Iulij.

QVINQUE Martyres, qui in Salserana Regione India, pago Coculino ab incolis Ethnicis, incensis ira, quod templa Deorum suorum diruta, & idola ludibrio habita esse à Christianis viderent dum de area ædificandi Christo templi deliberant, hortatu cuiusdam Arioli occisi sunt.

80 P. RYDOLPHVS Aquaniua, Ioannis Hieronymi Ducis Hadrianorum filius, duorum Cardinaliũ IVLII, & OCTAVII germanus, R. P. CLAVDII Generalis Societatis IESV, ex fratris nepos, annos natus tres & triginta, quorum dimidiam partem in Societate exegerat. Tres annos apud Regem Mogorum, in magna vite asperitate vixerat: tantog; precandi studio, vt sæpe cum se primis tenebris coniecisset in preces, mane in eodem vestigio reperiretur; quo tempore tot ei affuebant

solatia,

solatia, cœlestesq; deliciae, vt tum deum se diceret ex animi vivere sententia. Tanta erat apud omnes opinio Sanctitatis, vt vulgò ab Ethnicis Angelus vocaretur. Deniq; verò in Salsetanum agrum Rector designatus cum venisset, vna cum comitibus suis deprehensus à Barbaris, mori maluit, quam equum, qui expeditus ei ab interprete suo offerebatur ad fugam, admittere. Ibi succisis ab hoste poplitibus primum procubuit in genua; deinde deducta suis manibus veste, duas plagas cervicibus accepit. ad has accessit quarta, quæ humerum à reliquo corpore pene discepsit, & ad extremum iaculi vulnus in pectore.

81 P. PETRVS Berna Italus à Gallia Cisalpina trigelimum agebat annum, è quibus sex in Societate confecerat. Is auctor fuerat, vt aliquot sana in Salseta diruerentur; & vaccam quandam, quæ pro numine colebatur à Barbaris, interfecerat, & vas, in quo se ad Idoli honorem abluabant eius intestinis conspurcarat. Quare ab iis vulneratus in occi-

B 5

pitio.

pitio, traiecit etiam oculo, & aure gra-
uiter fauciata occisus est.

83 P. ALPHONSVS Paciecus Hi-
spanus ex per Illustri familia de Minaya
annorum 33. cui cum Barbari lanceam
adegressus in pectus, extensis in crucis
figuram manibus, oculisque sublati in
coelū alteri vulnere sese obtulit; quod
cum iugulo accepisset, exanimis con-
cidit.

83 P. ANTONIVS Franciscus Lu-
sitanus annum agebat trigessimū, in
Societate circiter duodecimum, cum
reliquis tum in capite, tum in reliquo
corpore vulneratus à Barbaris, Marty-
rum cruciatus expertus est; quod ut
Christi causa liceret, ab ipso, cum sa-
crificaret, enixè quotidie contendebat.

84 FRANCISCVS Aranea Lusita-
nus Gasparis Goensis Archiepiscopi
nepos, annos duodetriginta natus de-
cennium in Societate vixerat. Is post
Rudolphū accepto in ceruicibus vul-
nere, lateraq; hastili transfixus, in ve-
pres se abdiderat; confectis vero iam
cateris à muliere pastoria indicatus,

ab

ab vniuersa multitudine circum Ido-
lum raptatus est; sed cum illi supplica-
re recusaret, innumerabili telorum co-
pia confixus est, tanto furore omnium,
ut pueri etiam, ac puellæ arundines, ac
veruta eius sanguine madefacta vnà
cum reliquo occisorū cruore suis ido-
lis consecrarent, ipsaq; illo inungerent.

*Nicolaus Orlandinus in litteris an-
nūis India Orient. ex litteris P. Ale-
xandri Valignani Prouinc. Propo-
sitis, & aliorum. Thomas Bozsius
lib. 7. signo 27. Franc. Bencius in 5
Martyribus.*

Anno 1593. 8. Februarij.

85 P. IACOBVS Salestius trigessimū
septimum agebat annum ætatis, initz
vero Societatis vigesimum, vir non
modo Latinis, Græcis, Hebraicis, Chal-
dæis, sed Philosophia etiam & Theolo-
gia egregie instructus: Eximia erat in
sacram Eucharistiam pietate & marty-
rij cupiditate: qua incensus datis Ro-
mam litteris Indicam professionem
expetierat; sed ei, quam quærebat pal-

III

CATALOGVS

ma in ipsa Gallia obtigit, Albenaco à Chiambando Caluiniano per proditi-
onem occupato. Ig. tur datus cum So-
cio GVILIELMO SALTHAMO-
CHIO prada tribus ministris Calui-
nianis, cum illi disputatione, quæ for-
te ob iusculum è carne, quod Sabbatho
oblatum Salesius reiecerat, nata erat,
suscumberent, ab vno eorum commota
multitudo illos ad eadem postulauit.
Ibi Salesius suis hostibus veniam oràs,
primum scelopo secundum humerum
appetit, ac deinde IESVM ingemi-
nans terro confoditur.

86 GVILIELMVS Salthamochius
patria Aruennus annos octo & viginti
natus, è quibus duodecim Societati
dederat. morientem complexus Salesi-
um, obsecratusq; ne se martyrij exper-
tem desereret, ab iisdem, pugionibus
confixus, brachijs ad pectus in crucis
modum conformatis extinctus est.

*Horat. Turfeli. in annuis. Prom
Lugdun.*

Anno 1594.

87 P. IOANNES Cornelius Anglus

con-

CATALOGVS

concionandi laude celebris, Porcessitia
in Anglia pro fide Catholica suspensus,
ac festus intestinis extrahis. *Episco-
pus Tirason. lib. 5. histor. Angl.
cap. 4:*

Anno 1594. 12. Julij.

88 P. CONSALVVS de Tapia Hi-
spanus, dum vtiliter in salute Indorum
procuranda occupatur, in Sinaloa Me-
xici Provincia Ethnici hominis Dou-
ropzi opera extinctus. Is odio Christi-
anæ fidei, quam suis ritibus, vitisq;
aduersam videbat, quatuor inducit In-
dos ad necem Consaluo inferendam;
ratus eo mortuo Christianam simul fi-
dem interituram. Captato Indi tempo-
re sub vesperam Consaluum, cum se in
cubiculum recepisset, ac Beatissimæ
Virginis coronam recitasset, aggredi-
untur, caputq; eius & brachium fini-
strum abscindunt: brachium quoque
dextrum, cuius in manu duos digitos
crucis in modum conformatos habe-
bat, conati abscindere, non potuere.
Postero die inuentum est à Christianis
corpus, versò in terram pectore; eoque

C

brachio

brachio, quod recidi nequiuerat, quasi ad tum etiam sustinendum crucis vexillum è terra iublato. *Ex litteris Mexicanis.*

Anno 1595. 3. Martij.

89 P. ROBERTVS Southuellus Anglus, cum plurimum concionando in Patria profecisset, multisq; vtilissimis conscriptis libris, ab Hæreticis tandem comprehensus, post diuturnos carceris squallores, ac sæua sæpius reperta tormenta Londini pro Catholica fide eodem quo alij Martyrij genere occubuit. *Episc. Tirasõn. lib. 5. Hist. Angl.*

Anno 1595. 17. Aprilis,

90 P. HENRICVS Vualpolus Anglus equuleum, aliaque id genus tormenta non minus quam quatuordecim vicibus incredibili animi cõstantia Londini peressus, Eboraci deinde, vbi fuerat comprehensus, non accepta comodissima è carcere elabendi occasione, quam audissimè illi obtrudebant nobiles quidam & Catholici

amici,

amici, pro Catholica fide fuit suspensus, gladioq; sectus intestinis extractis. *Ex hist. Episc. Tirasõn. lib. 5. hist. Angl.*

Anno 1595.

91 P. ABRAHAMVS Georgius Maronita in aditu Regni Abassinorum in Aethiopia captus à Turcis, cum Mahumerem detestatus se Christianum esse profiteretur, eamque regionem esse ingressum, Vt quotquot posset ad Christum adduceret, insu præfecti in oppido Dellec insulæ Mazux obtuncatus est. Fama est carnificem vt eum capite plecteretur immissum primo ictu gladium fregisse, Patre illæso manente: mox alio gladio allato cum bis carnifex percussisset, iterum gladium fractum, paruo quodam signo ceruicibus impresso: Tercio demum gladio ictum succubuisse. In loco, quo sepultus est, tres aues albas rare magnitudinis & speciei ignoræ per quadraginta dies comparuisse; quo toto tempore eodem loco verspertinis horis quasdam quasi lucernas conspectas esse concurrentibus visendi

C 2

studio

studio Masluensibus. *Ex litteris Indicis P. Nicolas Pimenta, & ex aliis manuscriptis alterius Patris.*

Anno 1597. 5. Februarij.

92 IACOBVS Ghisai Iaponius Societatis IESV coadiutor.

93 PAVLVS Michi Iaponius ætatis tertium, & trigesimum, inita Societatis vndecimum agens annum, concionator inter suos singularis, etſi Laicus.

94 IOANNES Goto annorum novemdecim adolescens nuper in Societatem acceptus. HI TRES cum viginti tribus aliis iussu Taicosamæ Iaponiorum tyranni, post diuturnū carcerem, sinistramque aurem præcisam, acti sunt in crucem, ac postremum transuersis lanceis contixi. *Ex litteris Iaponicis impressis Roma.*

Anno 1598: 30. Sept.

95 P. MARTINVS Laterna Polonus apud Stephanum I. & Sigismundum III. Polonorum Reges concionatoris munere functus. naui qua cum

Catho-

Catholicis in mari Balthico vehebatur, ab Suecis hæreticis, dum Catholicos ad Religionis constantiam adhortatur, in mare demergitur. *Ex litteris Polonicis.* Non multo post pio cuidam viro captiuo apud Tartaros, & vinculis conſtricto luce mira circumſusus apparuit, rogauitque, num liber fieri vellet? Qui cum affirmasset, vinculis sua sponte solutis, ingenti sane miraculo repente in campo Russiæ adfuit. quinquaginta circiter leucis à Tartarorum castris vbi victus fuerat, disſito. Quam rem ipsemet Romam pietatis ergo profectus, confessorio suo P. Mathæo Pakost, S. Petri Pœnitentiario, non semel sanctè, & constanter narrauit, assèuerauitq;

Anno 1601. 27. Februarij.

96 P. ROGERVS Filcocus Anglus Londini pro fide Catholica suspensus ac sectus, intestinis extractis: *Ex Relatione ex Anglia missa.*

Anno 1603. 29. Aprilis.

97 P. FRANCISCVS Pagæus Anglus Londini pro fide Catholica eode

C 3

mortis

mortis genere quo prior sublatuſ, quā
vterq; inſigni animi cōſtancia pertulit.
Ex liſteris Sacerdotis ex Anglia.

Anno 1602. Vltima Octobris.

98 DOMINICVS Collipus ex Hiber-
nia, Coadiutor temporalis, cum ante-
quam religionem ingrederetur ſub Du-
ce Mercurio egregius fuiſſet ductor ex-
ercitus, conantibus deinde Hæreticis
adducere vt in bello, quod contra Ca-
tholicos gerebant, copiarum partem
regeret, cōſtantiffimè reſiſtens, eam-
que ob cauſam ab illis poſt diuturnum
carcerem Corchæ in Hibernia ſuſpen-
ſus eſt.

Anno 1603.

99 EMMANVEL Niger Italus, qui
Collegij Claudiopolitani ſacratio &
valetudinario præerat, cum eam urbem
Moyſes Zagel Caluinianus Turcicis
armis occuparet, atque hanc naſti oc-
caſionem furioſi Ariani à magiſtris im-
petatis ſuæ incitati, in templum Soci-
etatis IEſV impetum facerent, & hor-
rendas contumelias rebus ſacris infer-
rent,

rent, vnusque præter ceteros impius
aurifex Sanctiſſimum Eucharistiæ ſa-
cramentum pedibus conculcaret, &
~~hunc~~ Emmanuel, ſecuri
primum in capite ſauciatus eſt, deinde
ſciſſo traiectus pro fide Catholica oc-
cubuit *Ex liſteris P. Ioan. Argenti.*
Reſtoris Claudiopolitani.

OMNES QUI PIE
vivere volunt in Chriſto
perſecutionē patientur.

2. Tim. 3.

*Sed n̄ maxime qui Saluti proxi-
morū promouenda ex animo
incumbunt.*

Matt. 5. A. Beati qui perſecutio-
nem patiuntur propter iuſtitiam quo-
niam ipſorum eſt regnum cælorum.

Beati eſtis cum maledixerint vobis
homines & perſecuti vos fuerint, & di-
xerint omne malū aduerſum vos men-

trientes propter me. Gaudete & exultate, quoniam merces vestra copiosa est in celis. Sic enim persecuti sunt Prophetas, qui fuerunt ante vos.

Math. 10. C. Ecce ego mitto vos sicut oves in medio luporum. Estote ergo prudentes sicut serpentes & simplices sicut columbæ. Cauete autem ab hominibus. Tradent enim vos in conciliis & in synagogis suis flagellabunt vos & ad praesides & ad reges ducemini propter me, & in testimonium illis & gentibus.

Et mox: Tradet autem frater fratrem in mortem & pater filium & insurgent filij in parentes & morte eos afficient, & eritis odio omnibus hominibus propter nomen meum. Qui autem perseverauerit usque in finem hic saluus erit.

Et iterum: Non est discipulus super magistrum, nec seruus super dominum suum &c. Si pater familias Beelzebub vocauerunt quanto magis domesticos eius?

Luca 21. C. Sed ante hæc omnia iniicient vobis manus suas, & persequentur tradentes in synagogas & custodias

studias trahentes ad reges & praesides propter nomen meum.

Et: Trademini autem a parentibus & fratribus & cognatis & amicis & morte afficient ex vobis. Et eritis odio omnibus propter nomen meum & capillus de capite vestro non peribit. In patientia vestra possidebitis animas vestras.

Ioan. 15. C. Si mundus vos odit, scitote quia me priore vobis odio habuit. Si de mundo fuissetis, mundus quod suum erat diligeret: Quia verò de mundo non estis, sed ego elegi vos de mundo, propterea odit vos mundus. Mementote sermonis mei quem ego dixi vobis: non est seruus maior domino suo. Si me persecuti sunt & vos persequentur. Si sermonem meum seruauerunt & vestrum seruabunt. Sed hæc omnia facient vobis propter nomen meum &c.

Ioan. 16. A. Hæc locutus sum vobis vt non scandalizemini. Absque synagogis facient vos: sed venit hora vt omnis qui interfecit vos arbitretur se obsequium prestare Deo.

CATALOGVS

Et. Amen Amen dico vobis, quia plorabitis & flebitis vos, mundus autē gaudebit, vos verō contristabimini. sed tristitia vestra vertetur in gaudium.

NOTA Sic prædictum à Christo, sic omnibus postmodum sanctis factum. Testatur id historia Ecclesiasticæ ònes, & maxime Acta Apostolorum.

Act. 5. In carcerem primū coniciuntur Petrus & Ioannes, inde & virgis bene caduntur. Act. 6. D. Falsis testimoniis accusatur Stephanus: & Act. 7. G. Lapidibus ad mortē vsq; multatur. Act. 8. A. Facta est persecutio magna in Ecclesiā quærat Hierosolymis & ònes Christiani dispersi fuere, in exilium scilicet acti tot milliū (qui Act. 2. crediderunt) præter Apostolos. Act. 9. A. Saulus spirans minaturum & cadis in discipulos cum literis Magistratus circūcursat vt omnes fideles vndiq; victos perducatur in Ierusalē. Act. 12. A. Occiditur Iacob^o gladio, & apprehenditur atq; etiā in carcerē mittitur etiā Petrus, vt paulo post gladio & ipse feriat.

Idē Paul^o 2. Cor. 11. F. in 1. Cor. 4. C. Idē ad Eph. 3. 2. Tim. 1. C. vidend. loc^o.

Merito

CATALOGVS

MERITO PATIENTER
omnia ferenda pro Christo.

Maxime iis q̄ lucrandis Deo animabus operam nauant.

Luc. 6. C. Beati qui nunc fletis quia ridebitis. Beati eritis cum vos oderint homines & cum separauerint vos, & exprobrauerint, & eiecerint nomen vestrum tanquam malum propter filiū hominis. Gaudete in illa die & exultate. Ecce enim merces vestra, multa est in celo. Omne gaudium existimare fratres, cum in tentationes varias incideritis. Scientes quod probatio fidei patientiam operatur.

Et maxime: Beatus vir qui suffert tentationem, quoniam cum probatus fuerit accipiet coronam vitæ quam repromisit Deus diligentibus se.

Rom. 5. A. Gloriamur in spe gloriæ filiorum Dei. Non solum autē sed & gloriamur in tribulationibus; Scientes quod tribulatio patientiā operatur patientia autem probationē probatio vero spem spes autem non confundit.

quia

CATALOGVS

quia charitas Dei diffusa est in cordib⁹
nostris. per spiritum sanctum qui datus
est nobis.

Gal. 6. D. Mihi autem absit gloriari
nisi in cruce domini nostri Iesu Christi
per quem mihi mundus crucifixus est,
& ego mundo.

Act. 5. G. Ibant Apostoli. (virgis
bene cæsi) gaudentes à conspectu con-
cilij quoniā digni habiti sunt pro no-
mine Iesu contumeliam pati.

Hebr. 12. A. Ideoq; & nos, tantam
habentes impositā nubē testiū: depo-
nentes omne pondus & circūstans nos
peccatum per patientiam curramus ad
propositum nobis certamen, aspiciētes
in authorē fidei, & consumatorē Iesū,
qui pposito sibi gaudio, sustinuita cru-
cē confusione contēpta atq; in dextera
sedis Dei sedet. Recogitate eum, qui ta-
lem sustinuit à peccatoribus adversum
semetipsum contradictionem, vt ne fa-
tigemini, animis vestris deficientes.

Non enim vsq; ad sanguinē re-
stititis, adversus peccatum
reougnantes.

FINIS

